



# SLUŽBENE NOVINE

## KANTONA SARAJEVO

Godina XXII – Broj 10

Četvrtak, 9. marta 2017. godine  
SARAJEVO

ISSN 1512-7052

### KANTON SARAJEVO

#### Vlada Kantona Sarajevo

Na osnovu čl. 26. i 28. stav (1) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), a u vezi sa članom 170. alineja 24. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst i 38/16), Vlada Kantona Sarajevo, na 74. sjednici održanoj 02.03.2017. godine, donijela je

#### UREDBU

#### O PRIZNAVANJU PRAVA NA TOPLI OBROK U JAVNIM KUHINJAMA KANTONA SARAJEVO

##### Član 1.

(Osnovna odredba)

Ovom uredbom uređuju se kriteriji, uslovi, način i postupak za priznavanje prava na topli obrok u javnim kuhinjama Kantona Sarajevo (u daljnjem tekstu: topli obrok), korisnici, vođenje evidencije, finansiranje, rad i osnivanje javnih kuhinja i druga pitanja vezana za ostvarivanje ovog prava.

##### Član 2.

(Definicija toplog obroka)

- (1) Topli obrok u smislu ove uredbe smatra se jedan obrok kuhane hrane dnevno po korisniku pripremljen u javnoj kuhinji Kantona Sarajevo, u skladu sa normativom namirnica za jedan obrok.
- (2) Normativ namirnica za jedan topli obrok utvrđuje Ministarstvo za rad, socijalnu politiku, raseljena lica i izbjeglice Kantona Sarajevo (u daljnjem tekstu: Ministarstvo), na prijedlog Koordinacionog tijela za rad javnih kuhinja (u daljnjem tekstu: Koordinaciono tijelo).

##### Član 3.

(Suhi obrok)

U dane kada se ne priprema topli obrok (vikend, državni i vjerski praznici) korisnicima se dijeli suha hrana u skladu sa Pravilnikom o normativu namirnica za jedan topli obrok.

##### Član 4.

(Korisnici)

- (1) Korisnici toplog obroka su:
  - a) jednočlana domaćinstva čiji ukupan prihod po članu domaćinstva ne prelazi iznos od 70,00 KM mjesečno;
  - b) višečlana porodična domaćinstva čiji ukupan prihod po članu domaćinstva ne prelazi iznos od 80,00 KM mjesečno;
  - c) jednočlana domaćinstva penzionera čiji ukupan prihod ne prelazi iznos zajamčene penzije po podacima Federalnog zavoda PIO/MIO;
  - d) dvočlana domaćinstva penzionera čiji ukupan prihod ne prelazi iznos zajamčene penzije uvećane za 10%;
  - e) porodična domaćinstva u kojima su jedan ili više članova lica sa invaliditetom i lica sa trajnim invaliditetom u fizičkom i psihičkom razvoju, a čiji ukupan prihod po članu domaćinstva ne prelazi iznos od 100,00 KM mjesečno.
- (2) Korisnicima se priznaje pravo na topli obrok pod uslovom da:
  - a) ukupna stambena površina za jednočlana domaćinstva ne prelazi 44 m<sup>2</sup>, a za višečlana domaćinstva za svakog slijedećeg člana ova površina se uvećava za 10 m<sup>2</sup> stambene površine;
  - b) nisu jednočlana i porodična domaćinstva koja stambene jedinice, garaže i druge prostore izdaju u zakup;
  - c) nisu jednočlana i porodična domaćinstva čiji je jedan od članova vlasnik preduzeća, samostalne radnje ili obavlja registrovanu dopunsku djelatnost;
  - d) nisu jednočlana i porodična domaćinstva u kojima je jedan od članova vlasnik ili posjednik motornog vozila, izuzev invalidnih lica koja su pri uvozu putničkog automobila oslobođena od plaćanja carine i koje im služi kao ortopedsko pomagalo.
- (3) Izuzetno, pravo na topli obrok se može priznati i osobama i članovima porodičnog domaćinstva, ukoliko Stručni tim Službe socijalne zaštite općine ocijeni ovaj oblik zaštite neophodnim za život i zdravlje korisnika, o čemu se, uz prethodnu saglasnost direktora JU "Kantonalni centar za socijalni rad" Sarajevo (u daljnjem tekstu: direktor) odlučuje rješenjem.

(4) Izuzetno od stava (1) ovog člana djeca do jedne godine života, obzirom na njihov uzrast i vrstu obroka koji se dijeli u javnim kuhinjama, ne mogu biti korisnici prava na topli obrok.

Član 5.

(Porodično domaćinstvo)

Članovima porodičnog domaćinstva u smislu ove uredbe smatraju se podnositelj zahtjeva za topli obrok i članovi njegove porodice u smislu odredbe člana 5. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09 i 45/16).

Član 6.

(Prihod)

Pod ukupnim prihodom domaćinstva se smatra prihod propisan u članu 9. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst i 38/16), ostvaren u prethodnoj kalendarskoj godini.

Član 7.

(Alternativna dodjela prehrambenih artikala)

- (1) U općinama u kojima nema punkta za podjelu toplog obroka i općinama u kojima ima punkt, a korisnici su teritorijalno udaljeni, fizički nesposobni da dođu do punkta za podjelu toplog obroka ili iz zdravstvenih razloga po nalazu ljekara specijaliste nisu u mogućnosti da konzumiraju topli obrok, na prijedlog direktora i odobrenja Ministarstva, umjesto toplog obroka alternativno se periodično u toku godine može dodijeliti paket prehrambenih artikala, u skladu sa planiranim sredstvima u Budžetu Kantona Sarajevo (u daljnjem tekstu: Budžet).
- (2) Sadržaj paketa utvrđuje Ministarstvo, uz konsultaciju sa Koordinacionim tijelom.
- (3) Pakovanje i dostavu paketa vrši Direkcija za robne rezerve Kantona Sarajevo (u daljnjem tekstu: Direkcija) u saradnji sa službama socijalne zaštite i općinama prebivališta ili boravišta korisnika.

Član 8.

(Koordinaciono tijelo)

- (1) Za koordinaciju rada javnih kuhinja u Kantonu Sarajevo, raspodjelu donatorskih sredstava za rad javnih kuhinja i rješavanje drugih pitanja, formira se Koordinaciono tijelo.
- (2) Članove Koordinacionog tijela rješenjem imenuje ministrica, za rad, socijalnu politiku, raseljena lica i izbjeglice Kantona Sarajevo (u daljnjem tekstu: ministrica).
- (3) Koordinaciono tijelo je sastavljeno od po jednog člana iz humanitarnih i nevladine organizacije pri kojima funkcionišu javne kuhinje, te po jednog člana iz JU "Kantonalni centar za socijalni rad" Sarajevo (u daljnjem tekstu: Kantonalni centar) i jednog člana iz Ministarstva.
- (4) Donatorska sredstva za rad javnih kuhinja uplaćivat će se na Depozitni račun Kantona Sarajevo broj 338-000-22100192-63, na općini 077 - Centar, na vrstu prihoda 733111 (donacije od fizičkih lica), na budžetsku organizaciju 2301001 Ministarstva.
- (5) Sredstva iz stava (4) ove uredbe će se planirati u Budžetu, u razdjelu Ministarstva, na poziciji NAN 035 Donatorska sredstva za rad javnih kuhinja.

(6) Donatorska sredstva iz stava (4) ovog člana svojom odlukom periodično raspoređuje javnim kuhinjama ministrica na prijedlog Koordinacionog tijela, u skladu sa brojem korisnika iz prethodnog mjeseca, a u skladu sa prikupljenim sredstvima.

Član 9.

(Podnošenje zahtjeva)

- (1) Zahtjev za priznavanje prava na topli obrok podnosi se Službi socijalne zaštite općine (u daljnjem tekstu: Služba) prema mjestu prebivališta ili boravišta podnosioca zahtjeva, koja o istom odlučuje rješenjem, na osnovu kojeg izdaje karticu za topli obrok (u daljnjem tekstu: kartica).
- (2) Pod boravištem u Kantonu Sarajevo u smislu ove uredbe smatra se isključivo boravište lica koja imaju status raseljenih lica i izbjeglica u Kantonu Sarajevo.
- (3) Pravo na topli obrok po ovoj uredbi pripada korisniku od dana prijema rješenja i kartice.
- (4) Oblik, formu i sadržaj kartice će propisati Ministarstvo na prijedlog Koordinacionog tijela.
- (5) Karticu ovjerava nadležna Služba i javna kuhinja za koju se korisnik opredijelio.

Član 10.

(Žalba)

- (1) Protiv rješenja Službe stranka ima pravo žalbe Ministarstvu u roku od 15 dana od dana prijema rješenja.
- (2) Žalba ne odlaže izvršenje rješenja.

Član 11.

(Javne kuhinje)

- (1) U Kantonu Sarajevo funkcionišu: Centralna javna kuhinja - Crveni križ Kantona Sarajevo, Javna kuhinja "Merhamet", Pučka kuhinja "Kruh svetog Ante", Narodna kuhinja "Stari Grad" Sarajevo, Pučka kuhinja "Jelo na kotačima" - Caritas Vrhbosanske Nadbiskupije i Javna kuhinja "Dobrotvor", sa punktovima.
- (2) Za otvaranje novih javnih kuhinja i punktova za podjelu toplog obroka čiji se rad planira sufinansirati iz sredstava Budžeta, na prijedlog Koordinacionog tijela saglasnost daje Ministarstvo.

Član 12.

(Evidencija)

- (1) Svaka Služba vodi u elektronskoj formi Knjigu evidencije korisnika toplog obroka po javnim kuhinjama, a Kantonalni centar elektronsku evidenciju svih korisnika na području Kantona Sarajevo.
- (2) Javne kuhinje vode dnevnu evidenciju izdatih toplih obroka korisnicima i po isteku mjeseca dostavljaju Kantonalnomo centru izvještaj o mjesečnom broju korisnika toplog obroka.
- (3) Kantonalni centar zbirne izvještaje iz stava (2) ovog člana dostavlja Ministarstvu.

Član 13.

(Finansiranje)

- (1) Javne kuhinje se sufinansiraju iz Budžeta, sa pozicije Ministarstva u dijelu koji se odnosi na pripremanje i distribuciju toplog obroka za korisnike koji su ostvarili pravo po ovoj uredbi.
- (2) Prehrambeni artikli za pripremanje toplih obroka i podjelu suhih obroka prema broju korisnika, saglasno normativu namirnica iz člana 2. stav (2) ove uredbe, a uz saglasnost Ministarstva, obezbjeđuju se putem Direkcije i postupka nabavki roba za koje se opredijeli Ministarstvo.

- (3) Javne kuhinje su obavezne da po isteku mjeseca izvještavaju Ministarstvo o utrošku prehrambenih artikala.
- (4) Pored troškova navedenih u stavu (2) ovog člana, iz Budžeta se sufinansiraju/finansiraju i:
- troškovi hljeba i mesa za javne kuhinje iz člana 11. ove uredbe koji se uplaćuju direktno isporučiocu odabranom po provedenom postupku za izbor najpovoljnijeg ponuđača za dodjelu ugovora za isporuku hljeba i mesa za potrebe javnih kuhinja na području Kantona Sarajevo,
  - troškovi angažovanog osoblja na pripremi i distribuciji toplog obroka,
  - materijalni troškovi vezani za pripremu i distribuciju toplog obroka, održavanje higijene kuhinje i posuđa, dezinfekciju, sanitarni pregled i kontrolu hrane, održavanje opreme i inventara javne kuhinje.
- (5) Troškovi iz stava (4) tač. b) i c) ovog člana se planiraju Budžetom za tekuću godinu i doznačavaju u jednakim mjesečnim ratama svakoj humanitarnoj organizaciji pri kojoj funkcioniše javna kuhinja.
- (6) Visina sredstava iz stava (5) ove uredbe se određuje saglasno kriterijima utvrđenim Pravilnikom koji donosi ministrica, uz konsultaciju Koordinacionog tijela.

Član 14.  
(Postupak provjere)

- (1) Prvostepeni organ će svake godine po službenoj dužnosti vršiti provjeru rješenja i korisnicima koji i dalje budu ispunjavali uslove po ovoj uredbi neće izdavati nova rješenja, već samo karticu za narednu godinu. Rok za izdavanje kartice je 31.12. tekuće godine.
- (2) Korisnik je obavezan obavijestiti javnu kuhinju ukoliko duže od tri dana neće dolaziti po topli obrok.
- (3) Ukoliko korisnik ne postupi u skladu sa stavom (2) ovog člana, a duže od tri dana bez opravdanog razloga ne dođe po topli obrok, na pismeni prijedlog javne kuhinje Služba donosi rješenje o prestanku prava na topli obrok i poništava karticu.
- (4) Na rješenje iz stava (3) ovog člana u skladu sa članom 10. ove uredbe može se izjaviti žalba.

Član 15.  
(Prijava promjene)

- (1) Korisnici su dužni prijaviti svaku nastalu promjenu koja je od uticaja za ostvarivanje ovog prava, prestanak prava ili na smanjenje ovog prava, u roku od 15 dana od dana nastanka promjene.
- (2) Ukoliko Služba utvrdi da nije postupljeno u skladu sa stavom (1) ovog člana, korisnicima prestaje pravo danom donošenja rješenja.

Član 16.  
(Pridržavanje Kućnog reda)

- (1) Korisnici su dužni pridržavati se Kućnog reda javne kuhinje koji je izvješten na vidnom mjestu iste.
- (2) Korisnicima koji se ne ponašaju u skladu sa Kućnim redom javne kuhinje, na pismeni prijedlog Javne kuhinje. Služba donosi rješenje o prestanku prava na topli obrok i poništava karticu.
- (3) Na rješenje iz stava (2) ovog člana u skladu sa članom 10. ove uredbe može se izjaviti žalba.

Član 17.  
(Nadzor)

Nadzor nad finansijskim poslovanjem javnih kuhinja u dijelu utroška sredstava iz Budžeta za namjene iz člana 13. ove uredbe i nadzor nad provođenjem iste vrši Ministarstvo i Ministarstvo finansija Kantona Sarajevo, svako iz svoje nadležnosti.

Član 18.  
(Provedbeni akti)

Provedbeni akti iz čl. 3., 9. i 13. ove uredbe donijet će se u roku od 60 dana od dana stupanja na snagu ove uredbe.

Član 19.  
(Ravnopravnost spolova)

Sve imenice upotrijebljene u ovoj uredbi samo u muškom ili samo u ženskom rodu odnose se na oba spola.

Član 20.  
(Prestanak važenja ranijih uredbi)

Stupanjem na snagu ove uredbe prestaje da važi Uredba o priznavanju prava na topli obrok u javnim kuhinjama Kantona Sarajevo ("Službene novine Kantona Sarajevo", br. 24/06, 46/12, 30/13, 3/14, 19/14, 14/15 i 51/15).

Član 21.  
(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-9462-21/17  
02. marta 2017. godine  
Sarajevo

Premijer  
**Elmedin Konaković, s. r.**

Na osnovu člana 64. stav (6) Zakona o državnoj službi u Kantonu Sarajevo ("Službene novine Kantona Sarajevo", broj 31/16) i čl. 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 74. sjednici održanoj 02.03.2017. godine, donijela je

**UREDBU**

**O MEDIJATORIMA DRŽAVNE SLUŽBE U KANTONU SARAJEVO**

Član 1.  
(Predmet regulisanja)

Uredbom o medijatorima državne službe u Kantonu Sarajevo (u daljem tekstu: Uredba) regulišu se kriteriji za izbor medijatora državne službe (u daljem tekstu: Medijator), sadržaj poslova i način rada Medijatora, uslove rada, mandat i druga pitanja od značaja za rad Medijatora.

Član 2.  
(Kriteriji za izbor Medijatora)

Za Medijatora može biti izabran državni službenik:

- koji ima najmanje tri godine radnog staža u organima državne službe odnosno drugim organima i službama na koje se primjenjuje Zakon o državnoj službi u Kantonu Sarajevo (u daljem tekstu: organ državne službe),
- koji nije disciplinski kažnjavan i protiv kojeg u vrijeme izbora nije pokrenut disciplinski postupak,
- čija je ocjena rada u prethodna dva perioda ocjenjivanja najmanje "uspješan".